

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

V. Antea convocatio Concilij generalis fiebat auctoritate Principis, etiam quando Summus Pontifex synodum in regno haberi præcipiebat. Probatur auctoritate Gregorij magni & Hincmari.

**urn:nbn:de:hbz:466:1-15617**

vim regiae auctoritatis infringere solent, divisionem item imperij Francorum inter tres fratres, viam aperuisse ad introducendas novitates in hac materia. Nam Episcopi à Rege evocati frequentius quam sub Carolo magno & Ludovico Pio celebraverunt synodos ex diversis provinciis, seorsim à generali regni conventu; in quibus judicabant causas graves, Episcoporum nempe, ac Presbyterorum, & Diaconorum, si res tanti momenti esset; ut constat ex synodis Moguntina, Suectionensi, Valentineni, Tullensibus duabus apud Saponarias & apud Tuiscum, aliisque. Interdum vero ultra progrediebantur. Quippe in synodis illis canonies & statuta condebant. Verum non ante vim constituti obtinere poterant quam in conventu regio approbati fuissent. Hinc nata controversia qua post Concilium Meldense excitata est anno octingentesimo quadragesimo sexto. Nam cum Episcopi illic condidissent LXXXIX. canones, jussit Rex eos ad se deferri, ac dein eos examinari praecepit in conventu generali habito in villa Sparnaco ad Matronam fluvium; in quo ex procerum regni consilio statutum est novendecim tantum ex illis canonibus observandos esse: *Ex omnibus illis capitulis hec tantum observanda & complacenda sibi colleguntur, & Episcopis scripta tradiderunt, dicentes non amplius de eorum capitulis quam ista & ista velle cum Principe observare.* Ad hanc haud dubiè modificationem alludunt Episcopi in canone ultimo hujus synodi, qui post decretum Sparnacense additus est ceteris, in quo Regem hortantur ut saltem observet capitula recenter ab ipso decreta cum Episcopis manuque ejus confirmata: *Vt autem capitula que Domino mediatore communiter decrevissis, & manu propria confirmassis, pleniter observetis &c.* Praterea eum orant ut observari in futurum jubeat penas ab iis decretas adversus raptore sponsarum alienarum, utque decretum ea de resum ceteris canonibus qui recepti ab eo erant adderet: *Hoc diploma, si complacet, adneatur.* Penae illæ anathematis extant in canone LXVIII. synodi Meldensis, qui octavum & decimum locum occupat inter eos quos observandos censuit conventus Sparnacensis.

I. Synodus Suectionensis, quæ anno DCCCLII. congregata est ex quinque provinciis, reverentiū constituit intra limites æqui. Convocata illa fuerat à Carolo Calvo Rege, nullumque canonem condidit extra materiam à Principe propositam, canones autem ejus admissi & confirmati sunt in conventu generali regni habito apud Vermeriam eodem anno: *Sed & capitula qua syno-*

*dali consultu Dominus Rex Carolus in Concilio memorato apud Suectionis civitatem, sacro protocollo conveniui, coram fidelibus suis in eodem palatio Vermeria relegi fecit; & ab omnibus consonanter suscepta sunt, & accepta.* Synodus quoque Tullensis anno DCCCLIX. habitu coram Regibus, qui confirmarunt canones in ea conditos. Item Duiziensis habita anno octingentesimo septuagesimo quarto, *nutu divino & sanctione Caroli Regis.*

II. Sub Carolo Calvo introduci ceperunt ingentes novitates in gratiam sedis apostolice & in detrimentum regiae auctoritatis. Etenim Nicolaus primus Pontifex Romanus ad se traxit immediatam convocationem Conciliorum absque literis Principis, Aliud tamen obtinuerat quoad Concilium Francofurtense: quod auctoritate quidem Pontificis Romani celebratum fuerat coram Legatis ejus, sed Caroli magni iustitione convocatum, missis quaquavertum literis.

IV. Sanè dissisteri nolim inesse Summo Pontifici auctoritatem convocandi Concilij intra Gallias, si id Ecclesiæ utilitas postulaverit. Neque enim me latet synodus Suectionensem, quæ anno octingentesimo sexagesimo sexto congregata est, eam auctoritatem agnoscere in fide apostolica. Scribens enim ad Nicolaum primum adversus Episcopos Britonum, qui obedientiam Metropolitano Turonensi debitam abjecerant, ait eos nolle prorsus convenire ad generales regni synodos, neque legatos aut literas mittere, etiam tum cum Summus Pontifex eorum congregationem fieri præcipiebat ad discussandas causas emergentes, atque id eo minus ferendum esse quod Episcopi illi nulla ratione prohiberentur ad eas accedere, non ob pericula in mari, aut propter asperitatem montium, non longo regionum intervallo disjuncti. Sed neque ad generalitatæ nostra synodum, inquit Synodus Suectionensis ad Nicolaum Papam scribens, si quando apostolatus vestri auctoritas nostram fraternitatem pro quibuslibet emergentibus vel imminentibus negotiis adgregandam decernit, illorum presentium, legatos, literas, cum infra finum occidit Gallie commoretur, & nec iuga montium, nec marium pelagus, sed neque gravis intercedo terrarum convolare prohibeat, nostra unanimitate quamquam habere merimus.

V. Itaque illud solùm aio, hunc ordinem ad ea usque tempora observatum esse in Gallia, ut Regis auctoritate fieret convocatio Concilij generalis regni, non solùm sene in anno aut quando ita Principi videbatur expedire, sed etiam quando Summus Pontifex præcipiebat synodum haberi in regno, cuius celebratio

Capitula excerpta  
in villa Sparnaco,  
in Capit. Caroli  
Calvi, &c. to. 3.  
Conc. Gallie  
pag. 63.

Concil. Vermer.  
c. 3.

## & Imperij Lib. VI. Cap. XXVIII. 273

celebratio differebatur, donec consensus Principis accederet, ejusque ipse convocationem literis suis ficeret; ut supra probatum est exemplo beati Gregorij. Eadem est sententia Hincmarii, tum viventis, qui in epistola sexta docet Episcopos provinciarum Galliae congregari solitos, si fraterna caritas nos invitaverit, potiusque iussio apostolica sedis & preceptio Domini nostri Caroli Imperatoris Augusti nos ad synodum, sicut precipiunt regule, vocare decreverit pro talibus que forte provinciali nequiverint examine definiri, maxime in causa fidei vel generalis religionis, sicut in apostolica sedis Pontificum & in episcopis legimus Augustorum. Quaniam Imperatorum auctoritate convocatas generales synodos & in his historiis ecclesiasticis & in episcopis apostolicae sedis Pontificum reperimus. Et sanctus Gregorius Reges Francorum synodos in Gallicis & Belgicis provinciis convocare sepe commonuit.

V I. At Nicolaus primus sequi noluit exemplum beati Gregorij; sed sua auctoritate conceptis verbis synodum Suezionensem celebrari jussit anno octingentesimo sexagesimo sexto, locumque & tempus quo ea habenda esset praescriptis in epistola scripta ad Archiepskopos & Episcopos Galliarum. Precepimus vos, inquit Nicolaus ad Herardum Turonensem Archiepskopum scribens, unde cum ceteris Archiepskopos & Episcopos Galliarum & Neustrie &c. apud Suezionam urbem pariter convenire. Attamen litteras quoque ad Carolum Calvum scripsit, quibus eum faceret certiorem constitutio-  
nis sua. Sed id factum est ea tantum mente ut ex executionem urgeret auctoritate sua. Hinc factum ut epistola syndica Concilij Suezionensis alio verborum sensu concepta sit quam canon primus Concilij Francofordiensis, quod, ut habet canon, auctoritate apostolica & iussione regia congregatum est. Concilij vero Suezionensis patres fatentur se congregatos esse iussu Nicolai, nulla Principis mentione. *Syndus*, inquit, *Suezionis habita iussu & auctoritate sanctissimi apostolatus vestri*. Quin & Carolus ipse in epistola ad Nicolaum scripta, qua extat in Actis ejusdem Concilij, agnoscit eam synodum fuisse convocatam iussu Pontificis: a synodo preceptione vestra congregata.

V II. Occasio celebranda hujus synodi alias quoque infringendorum canonum causam invexit, quae plurimum detraxit de auctoritate Conciliorum Galliae. Concilium enim illud congregatum fuit ex universis regni provinciis, ad examinandam depositionem Volfadi aliorumque Clericorum ab Ebbone Archiepskopo Remensi ordinato-  
rum post depositionem ejus & pravam re-

Tom. II.

stitutionem, quae multis de causis nulla erat & irrita. Eorum namque ordinationem in dubium revocaverat Hincmarus Archiepskopus Remensis, Ebonis successor. Quare illi anno octingentesimo quinquagiesimo tertio querelam ea de re suam detulerunt ad synodum Suezionensem, permis-  
su Caroli congregatam, qui locum ac diem celebrationis indixerat: *Episcopis juxta insituta canonum synodum celebrare volentibus, annuit idem Rex Carolus, eosque ad urbem Suezionum X. Calendas Maias convenire precepit*; ut legitur in præfatione ejusdem synodi. In ea autem declaratum fuit judicio synodi & judicium qui interadversarios con-  
venierant, horum Clericorum ordinatio-  
nen esse nullam. At Nicolaus, delata ad se eorundem Clericorum querela, trede-  
cim post annis iussit eam causam retractari in Concilio generali Episcoporum Galliae, quos ad eandem urbem Suezionensem con-  
venire præcepit; addito conceptis verbis, quod si Clerici depositi à judicio hujus Concilij ad sedem apostolicam appellarent, eorum causa judicanda esset apud urbem Romam, quo Hincmarus ac Clerici Vicarios suos mittere possent. Quo loco animad-  
vertere licet tria atrocia vulnera inficta esse auctoritati Conciliorum generalium Galliae, contra præscripta canonum. Pri-  
mum enim decernitur revisio causæ adver-  
sus Presbyteros judicata in Concilio con-  
gregato ex diversis provinciis; cum tamen, juxta canones, eorum causæ in his Conciliis judicandæ sint definitivo decreto. Tum reis relinquitur potestas appellandi à judi-  
cio post revisionem lato. Istud vero contrarium est legibus & canonibus Sardicensibus, etiamsi de Episcoporum depositio-  
ne ageretur. Tertiò, partes Romanas evo-  
cantur, id est, Hincmarus Archiepskopus Remensis, & Clerici dejecti; cum tamen appellationes, etiam Episcoporum, ad pro-  
vincialia judicia remitti debeant, juxta canones Sardicenses. Sanè ad vitandam conflictionem jurisdictionis Synodus Suezionensis, sequuta modum ab Hincmario propositum in Schedula ab eo porrecta sy-  
nodo, ad Nicolaum scriptis se, manente

Nicolaus I. in  
epist. ad Herardum  
Archiepsk. Turon.

Epist. Synod. Con-  
cili. Suezion.

M m